



Al Madina Masjid

La Rue Brabant (Ancien La Rue Moka)

Dars No. 15

Mercredi 23 Novembre 2016 – 22 Swafar 1438

Surah Masad

Sa surah la ti révéler à Macca kan ene chacha (Abu Lahab) de Rasoulullaah ﷺ et ene so chachi (Umm Jamil) ti pe fer li méchancetés. Zot ti pe fer li du tort mentale et physique. Allah fine révèlè sa surah la comme ene malédiction lors Abu Lahab et Umm Jamil. C'est ene leçon ki nous bizin tirer. Si nous fer kitchose contre Rasoulullaah ﷺ sans doute nous pour dans problèmes ki pour gagner directement depuis Allah.

تَبَّتْ يَدَا أَبِي لَهَبٍ وَتَبَّ - (Que périssent les deux mains d'Abu-Lahab et que lui-même périsse.)

Allah fine maudit Abu Lahab surtout pour so ban actions ki li ti pe fer envers Rasoulullaah ﷺ. Allah fine avoye malédictions lors li.

مَا أَغْنَىٰ عَنْهُ مَالُهُ وَمَا كَسَبَ - (Sa fortune ne lui sert à rien, ni ce qu'il a acquis). Li claire ki tout so du bien en terme matériel et so ban garçons et tout sa ki li fine ramasser pas pour bénéficier li dans sa le monde la, qabr et Aakhirah.

سَيَصْلَىٰ نَارًا ذَاتَ لَهَبٍ (Il sera brûlé dans un Feu plein de flammes). Mais par contre Allah fine réserve ene du feu plein avec la flamme dans jahannam pour li.

وَأَمْرَأَتُهُ حَمَّالَةَ الْحَطَبِ - (de même sa femme, la porteuse de bois). Abu Lahab so madame ti pe donne li coup de main. Umm Jamil ti pe jette du bois, cactus et ban épines lors Rasoulullaah ﷺ so chemin. Li fine gagne malédictions a cause so participation contre Rasoulullaah ﷺ.

فِي جِيدِهَا حَبْلٌ مِّن مَّسَدٍ - (à son cou, une corde de fibres de palmiers). C'est ene sorte de punition dans Jahannam. Li aussi mentionner ki li pour ena ene la chaine de fer autour so li cou.

بِسْمِ اللَّهِ الرَّحْمَنِ الرَّحِيمِ

تَبَّتْ يَدَا أَبِي لَهَبٍ وَتَبَّ

مَا أَغْنَىٰ عَنْهُ مَالُهُ وَمَا كَسَبَ

سَيَصْلَىٰ نَارًا ذَاتَ لَهَبٍ

وَأَمْرَأَتُهُ حَمَّالَةَ الْحَطَبِ

فِي جِيدِهَا حَبْلٌ مِّن مَّسَدٍ